

Na osnovu Zakona o Agencijama za zaštitu ljudi i imovine (Sl. novine F BiH broj 78/08 i 67/13) i Uredbe o poslovima tehničke zaštite koji se odnose na korištenje alarmnog sistema te poslove intervencije u slučaju aktiviranja alarmnog sistema (Sl. novine F BiH broj 72/15), UGOVORNE STRANE:

**Davalac usluga: UNILAB d.o.o. Sarajevo**, Agencija za zaštitu ljudi i imovine, ul: Drinska br.70 /71000 Sarajevo

Identifikacioni broj: 4 2 0 0 0 5 4 1 6 0 0 0 7; PDV broj: 2 0 0 0 5 4 1 6 0 0 0 7; koga zastupa Amer Muhić, - izvršni direktor,;

**Naručilac usluga: Kantonalni Zavod za zaštitu kulturno-historijskog i prirodnog naslijeđa Sarajevo**; ulica Jospipa Štadlera 32. 71 000 Sarajevo; ID broj: 4 2 0 0 0 0 4 1 4 0 0 0 5, koga zastupa direktor Nervin Dacić, dipl.ing.arh.

zaključile su:

## U G O V O R

za usluge monitoringa i video nadzora za instalisani sistem zaštite Zavoda za period 1.1.2019.-31.12. 2019. godine

### Član 1.

(1) Naručilac povjerava, a Izvršilac preuzima obavezu monitoringa alarmnog sistema zaštite instalisanog za poslovni prostor Naručioca u ulici Josipa Štadlera 32, te redovnog tehničkog servisa i održavanja instalisanog sistema za 2019. godinu.

(2) Ovim ugovorom se uređuju međusobni odnosi ugovornih strana u vezi pružanja usluge protuprovalne zaštite objekta na adresi: Josipa Štadlera br. 32 Sarajevo, a sve posredstvom priključenja alarmnog sistema korisnika na dojavno-operativni centar i pružanju:

- usluga monitoringa i interventne službe;
- usluga tehničkog održavanja i servisiranja;

### Član 2.

Predmet ugovora, prema Ponudi br: AM-35/19 dostavljena 15.1.2019. godine, koja je sastavni dio ovog Ugovora, sadrži:

- 1) Usluga monitoringa i interventne službe:
  - 24-satni prijem dojave o stanju alarmnog sistema, (protuprovalni, vatrodojavni i protivprepadni alarm, test izvještaji, stanje baterije, nestanak električne energije, vrijeme uključenja i isključenja sistema, idr.).
  - Računarska obrada i pohrana primljenih podataka.
  - Obavještanje interventnog tima, odgovornih osoba Korisnika usluga, a po potrebi i nadležnih službi (policija, vatrogasci, hitna pomoć isl.).
  - Dostavljanje mjesečnog izvještaja o aktivnostima alarmnog sistema na objektu, na zahtjev Korisnika, istražnih organa ili osiguravajućeg društva.
  - Neprekidno dežurstvo i pripravnost interventnog tima, sa planskim periodičnim obilascima objekta pod zaštitom.
  - Hitna intervencija na signal dojave o aktiviranju alarma, provjera uzroka i karaktera alarmnog stanja na licu mjesta
  - Pomoć na objektu, osiguranje objekta do dolaska odgovornih osoba ili uviđajnih organa, eventualna prva pomoć i pomoć nadležnim službama.
  - Poduzimanje zakonom dopuštenih mjere shodno procjeni ugroženog stanja objekta, te prevencija prema protupravnim radnjama koje mogu ugroziti ili izazvati štetu na šticeenom objektu.



- 2) Usluga tehničkog održavanja i servisiranja:
  - pružanja usluge redovnog šestomjesečnog tehničkog pregleda i servisiranja sistema tehničke zaštite: alarmnog, vatrodajavnog i video nadzornog sistema na objektu.
  - kontrola ispravnosti i funkcionalnosti uz testiranje predmetne sigurnosne opreme i sredstava.
  - dostavljanje zapisnika o obavljenom servisiranju i kontroli ispravnosti.

#### Član 3.

- (1) Naručioc je dužan da odmah nakon instaliranja alarmnog sistema promjeni tvorničku master/glavnu šifru a svojim uposlenicima dodjeli radne korisničke šifre.
- (2) Po isteku radnog vremena odnosno napuštanju objekta, Naručioc će uključiti svoj alarmni sistem, a po potrebi može provjeriti stanje uključenja sistema sa dojavnim centrom na dežurni broj 1313.
- (3) Naručioc se obavezuje na potrebu pismenog obavještanja ili upoznavanja Davaoca o svim promjenama koje su u vezi sa korištenjem ili rukovanjem alarmnim sistemom (promjena korisničkog osoba i njihovih kontakt brojeva i sl.), kao i o svim građevinskim promjenama na objektu (rekonstrukcije, preuređenja prostora i sl) i drugim sličnim pojedinostima koje su naknadno dograđene ili nastale, a mogu bitno uticati na rad postojećeg sistema tehničke zaštite kao i po sigurnost objekta.
- (4) Naručioc je dužan obavljati redovnu kontrolu provođenja mjera i radnji u objektima i prostoru koji se štite tehničkom zaštitom te obavještavati Davaoca o uočenim nedostacima i nepravilnostima na sistemima zaštite, a što je isti dužan otkloniti u razumnom roku.

#### Član 4.

- (1) Davalac usluga se obavezuje na savjesnost i dosljednost u izvršavanju ugovornih obaveza u okvirima važećeg zakona o agencijama za zaštitu ljudi i imovine. Ovim se izuzima uticaja više sile ili stanja van kontrole Davaoca koje se nisu mogle predvidjeti ili otkloniti u vrijeme zaključenja ugovora (nastanak elementarnih nepogoda ili vanrednih stanja, cestovnih blokada, fizičkih demonstracija i sl.).
- (2) Davalac usluga ne preuzima nikakvu odgovornost za učinjenu štetu na objektu u vremenu od prijema alarmnog signala u dojavni centar do vremena predviđenog dolaska interventnog tima na lice mjesta, kao i štetu uslovljenu smetnjama ili prekidima telefonskog ili GSM/GPRS signala na šticeom objektu.
- (3) Eventualni prekidi i zagušenja u telecom saobraćaju, ne spadaju u nadležnost Davaoca usluga.

#### Član 5.

- (1) Garantni rok od dvanaest (12) mjeseci, odnosi se na svu opremu koju je ugradio Davalac usluga u sistem zaštite objekata Naručioca, osim za akumulatorske baterije iz sistema rezervnog napajanja i kvarove nastale nestručnim rukovanjem ili nasilnim uništenjem (fizičko oštećenje, udar groma, prenapon isl).
- (2) Po isteku garantnog roka Davalac će ponuditi uslugu tehničkog održavanja i servisiranja sistema zaštite.

#### Član 6.

- (1) Jedinствена mjesečna cijena usluge iz člana 1. stav (2) alineja 1. ovog ugovora iznosi 80,00 (slovima: osamdeset i 00/100 KM) + PDV.
- (2) Jedinствена cijena usluge iz člana 1. stav (2) alineja 2. ovog ugovora iznosi 75,00 KM (sedamdesetpet i 00/100KM) + PDV po servisu, dva puta godišnje.
- (3) Eventualna zamjena rezervnih dijelova i opreme, kao i nalozi za vanrednim tehničkim intervencijama će se fakturisati po važećem cjenovniku ili prema ponudi Davaoca, uz prethodnu saglasnost Nručioca.
- (4) Ukupna vrijednost usluge iz člana 1. stav (2) alineja 1. ovog ugovora, bez PDV-a, za tekuću godinu iznosi 960,00 KM (devetstotinašezdeset i 00/100 KM).
- (5) Ukupna vrijednost usluge iz člana 1. stav (2) alineja 2. ovog ugovora, za tekuću godinu bez uključenog PDV-a iznosi 150,00 (stotinupedeset i 00/100) KM.

Član 7.



- (1) Ugovornu cijenu Naručilac će Izvršiocu isplatiti putem mjesečnih računa za izvršene usluge iz člana 1. ovog Ugovora.
- (2) Naručilac se obavezuje da će odmah nakon ovjere računa dostaviti nalog za plaćanje JRT KS.
- (3) Uplata će se izvršiti na račun broj: 1410010000105022 kod Bosna Bank International d.d. Sarajevo.
- (4) Ukoliko se evidentna dugovanja nastave i nakon pismene obavjesti ili upozorenja o tome, proces pružanja usluga će biti obustavljen bez preuzimanja bilo kakvih odgovornosti po osnovu ovog ugovora.
- (5) Naručilac će omogućiti Davaocu nesmetano vraćanje Gprs kartica sa objekata po okončanju ugovornog odnosa.

Član 8.

- (1) Davalac i Naručilac usluga se obavezuju da će u vremenu trajanja ovog ugovora i u vremenu nakon isteka, kao poslovnu tajnu čuvati sve poslovne informacije i podatke koji su u vrijeme trajanja ugovora bili dostupni.
- (2) Svi eventualni sporovi koji proisteknu iz ovog ugovora, ugovorne strane će rješavati sporazumno. U suprotnom, nadležan je sud u Sarajevu.
- (3) Ovaj ugovor stupa na snagu sa danom obostranog potpisivanja ugovornih strana.
- (4) Ugovor se zaključuje na dvanaest (12) mjeseci i automatski se produžava ukoliko se ni jedna od ugovornih strana pismenim putem ne izjasni drugačije.
- (5) Otkazni rok traje jedan (1) mjesec i objavljuje se pismenim putem unaprijed.
- (6) Ovaj Ugovor je sačinjen u četiri (4) istovjetna primjerka od kojih svaka strana zadržava po dva.

ZA IZVRŠIOCA

Direktor, Hazim Šahbaz, dipl.ing.arh.



  
\_\_\_\_\_  


Br: CN-111/19

Sarajevo, 04.02.2019

ZA NARUČIOCA

Direktor, Nervin Dacić, dipl.ing.arh.

  
\_\_\_\_\_  


Br: 17/19

Sarajevo, 04-02-2019